

Z A B I L J E Š K A

**sa sjednice Komisije za ekonomski razvoj općina i gradova i finansije održane
21.01.2016. godine u prostorijama Saveza općina i gradova FBiH sa početkom u 12,00
sati**

Sjednici su prisustvovali: Radinka Dujak, Denis Čamdžić (zamjena za Jusuf Čavkunović),
Andrija Kraljević, Meliha Beširević, Ivana Maros (zamjena za Advan Akeljić), Branko
Ivančić (zamjena za Jozo Ivančević), Sadika Halitović (zamjena za Armin Halitović) i
Miro Pašalić (zamjena za Perica Romić)

Opravdano odsutni: Fahrudin Kurtović i Zijad Kunovac

Sjednici su prisustvovali i: Vesna Travljanin, Selma Fišek i Zlata Turkić (Savez)

Na sjednici je predložen i usvojen sljedeći:

D N E V N I R E D

1. Informacija sa sastanka pomoćnika načelnika/gradonačelnika za finansije
2. Zaključci sa sastanka pomoćnika načelnika/gradonačelnika za finansije u vezi sa Zakonom o pripadnosti javnih prihoda
3. Zaključci Predsjedništva Skupštine Saveza općina i gradova FBiH u vezi sa Zakonom o pripadnosti javnih prihoda
4. Rasprava o Uputstvu o određivanju udjela kantona, jedinica lokalne samouprave i mjerodavnih kantonalnih ustanova za ceste u prihodima od indirektnih poreza i načinu raspoređivanja tih prihoda za 2016. godinu
5. Tekuća pitanja

Sjednicu je vodila Radinka Dujak, predsjednica Komisije.

Dnevni red je usvojen bez primjedbi.

Dogovoreno je da se o prve tri tačke Dnevnog reda vodi zajednička rasprava.

1.2.3. U raspravi o zaključcima sa sastanka pomoćnika načelnika/gradonačelnika za finansije i Predsjedništva Skupštine Saveza općina i gradova FBiH u vezi sa Zakonom o pripadnosti javnih prihoda, u kojoj je učestvovala većina prisutnih članova Komisije, izneseno je mišljenje da bi se tačka 6. trebala urediti na način da se u obzir uzmu relevantni podaci Federalnog zavoda za statistiku i/ili Agencije za statistiku BiH koji se odnose na popis stanovništva iz 2013.godine. Članovi Komisije (jedan glas protiv) su zaključili da se iz Zaključaka Predsjedništva Skupštine Saveza općina i gradova FBiH

briše tačka 8. koja se odnosi na povećanje pondera Općini Trnovo na 2,2 i Općini Vogošća na 1,8.

Nakon diskusija, doneseni su zaključci:

- U Zaključku Predsjedništva Skupštine Saveza općina i gradova FBiH u vezi sa Zakonom o pripadnosti javnih prihoda izmijeniti tačku 5. tako da glasi: „Raspodijeliti 25% prihoda od poreza na dobit jedinicama lokalne samouprave“.
- U Zaključku Predsjedništva Skupštine Saveza općina i gradova FBiH u vezi sa Zakonom o pripadnosti javnih prihoda tačku 6. izmijeniti tako da glasi: „Kao relevantne statističke podatke prilikom raspodjele prihoda koristiti podatke iz evidencije Federalnog zavoda za statistiku i/ili Agencije za statistiku BiH koji se odnose na popis stanovništva iz 2013.godine“;
- U Zaključku Predsjedništva Skupštine Saveza općina i gradova FBiH u vezi sa Zakonom o pripadnosti javnih prihoda brisati tačku 8. koja glasi „Tražiti povećanje pondera Općini Trnovo na 2,2 i Općini Vogošća na 1,8“.

4. U raspravi o Uputstvu o određivanju udjela kantona, jedinica lokalne samouprave i mjerodavnih kantonalnih ustanova za ceste u prihodima od indirektnih poreza i načinu raspoređivanja tih prihoda za 2016. godinu istaknuta su različita mišljenja članova Komisije i izražena sumnja u način obračuna indeksa razvijenosti uzetog u formuli u Uputstvu koji treba ažurirati. Predstavnik jedinica lokalne samouprave sa područja Tuzlanskog kantona izrazio je nezadovoljstvo Uputstvom čijom se primjenom dovodi u pitanje stabilnost većine jedinica lokalne samouprave Tuzlanskog kantona.

Nakon rasprave, **zaključeno je:**

- Predsjedništvo Skupštine Saveza općina i gradova FBiH treba se očitovati o Uputstvu o određivanju udjela kantona, jedinica lokalne samouprave i mjerodavnih kantonalnih ustanova za ceste u prihodima od indirektnih poreza i načinu raspoređivanja tih prihoda za 2016. godinu;
- Uputiti zahtjev Federalnom ministarstvu finansija za detaljnu analizu Uputstva s ciljem sagledavanja efekata ovog uputstva na stabilnost pojedinih jedinica lokalne samouprave;
- Uputiti zahtjev Federalnom ministarstvu finansija za ažuriranje obračuna indeksa razvijenosti uzetog u formuli u Uputstvu.

5. U okviru ove tačke, članovi Komisije su upoznati sa dopisom Federalnog ministarstva financija/finansija, upućenih kantonalnim ministarstvima finansija i Savezu općina i gradova FBiH koji se odnosi na podatke za misiju MMF-a u svrhu izrade Zakona o pripadnosti javnih prihoda u FBiH. **Zaključeno je:**

- **Ne postoji potreba da Savez dostavlja ove podatke, obzirom na činjenicu da će to uraditi kantonalna ministarstva finansija koja posjeduju iste.**

Sjednica je završena u 14,15 sati.

Zapisnik sačinila: Zlata Turkić

PREDSJEDNICA KOMISIJE
Radinka Dujak